

乾隆烏程縣志

烏程縣志卷之九

祠祀

盛德必百世祀此庚桑之居畏壘所爲俎豆而尸祝也而能禦大災捍大患則有報功之典蓋壇壝兆於四郊祭禴行於六沴其他則皆希風展義歲時奉嘗治化所甄理貫幽蹟然則胥民社之寄者眷靈宇於此邦讀禮書而協事其可忽諸志祠祀第十八

風雲雷雨山川壇在定安門外明洪武二年置程安二縣統祀於

府

安邑備祭品春秋上巳日祭

社稷壇在迎禧門外洪武二年置程安二縣統祀於府

程邑備祭品春秋上巳日祭

祭

先農壇在東郊

本朝雍正五年烏程縣知縣王懋訥歸安縣知縣王錫年奉文建

立壇宇并合置藉田九畝八分

三月奉文日祭

厲壇在臨湖門外明洪武二年置程安二邑統祀於府

清明七月聖十月

祭

案舊志宋有社稷壇二所一在縣西一在太湖旁一云去縣東一里孫皓里前今眺谷橋有社廟巷後俱廢又海里

各立社壇每鄉有鄉

厲壇歲久皆湮沒

城隍廟在縣治東數武洪武七年知縣孫成建嘉靖三十三年知

縣張冕始正廟制三十六年知縣蔣宏德重修隆慶元年知縣

趙煥復建後寢薦歷中知縣楊應聘徐應霍陳經正屢修天啓

五年知縣馬思理因禱雨而應捐俸加修

本朝順治四年湖鎮張士元捐俸紳耆協助重修康熙七年三月

六日火重建

康熙烏程縣志

崇聖祠在文廟後嘉靖十二年知縣錢學建久廢

本朝康熙十四年教諭章楷重建後為風圯二十七年教諭

濟訓導張紹重建

乾隆湖州府志

名宦祠在崇聖祠西

乾隆二年知縣羅係重建祀唐李清源元

宋文懿明危止翁經張冕趙煥賀淮楊應聘袁光宇徐應鶴葉
時敏陳經正馬思理劉沂春龔隱

本朝劉璽韓禹甸

同上

鄉賢祠在尊經閣右祀明嚴震直閔珪王濟閔如霖張永明沈鑑
潘季馴沈誥沈節甫張天秩陳行健黃榜史紀言李樂吳秀韓
紹姚舜牧閔德慶吳炯王豫閔一范閔世翔王汝源朱長春沈
淙王德坤陳行簡溫璜費兆元吳振纓陳歷陳肇英

本朝嚴有穀凌規陸彪范翔費金吾

同上

忠義祠在縣學尊經閣左

本朝雍正四年奉文建祀齊邱冠先明凌義渠溫璜沈方

本朝黎樹聲姚延儒李虎

以上係忠臣

宋孫法宗曹清曾雪之明

陳子英 以上係孝子 明陳昇陳琦嚴壽開 以上係義士 乾隆元

年增入漢沈震晉王談梁朱文濟唐沈景筠沈清於元損沈嶠

朱錢延慶邱傑吳連潘綜明沈貴沈鼎唐士偉馬天祿沈莊 冊

節孝祠在布政分司舊址雍正四年建

吳文帝廟縣治南儀鳳橋之右五十步文帝吳太子和也其子皓

為烏程侯時創其祠於駱駝橋東及皓即位追謚曰文皇帝移

其廟於此廟碑吳季良撰今地主廟即文帝廟後人訛為沈約

西吳里語

祠錄勞志文皇帝廟與德妃並列俱云在儀鳳橋南德妃宋崇

寧中時鎮舊稱地土廟文帝廟造吳興縣地土固宜以沈約

為吳興著姓而地土廟則著姓如錢氏邱氏鈕氏胥氏具載大

平吳字記李字為國縣王會九域志者詎獨沈氏地主廟其為

吳文帝廟無疑也我城文獻沈約祠俗呼地主廟嘉靖九年知

縣戴嘉徵毀之其土偶冕旒如帝儀夫沈約安有帝儀之理云

徵為文帝之疏無從也官姓記著天下說稱吳興有地主沈云

吳興沈氏竹溪馬表其說著竹溪記著天下說稱吳興有地主

祖元為和處士德表未嘗遠追武康德清諸沈或祖建威將軍

林子武祖侍中司空慶之或祖緱繇先生驥士雖同本地

亦不祖休文諸牒具在班班可考也而謂沈為著姓約為海主
義何取乎况吳文帝以嫡嗣而遷廢廟小必翼翼格守其海
論其聖造吳興即以於之忠孝大倫允稱無愧祀典亦可以
不廢今詭作約祠有司以時致祭其與祭法義又何取乎

沈隱侯祠在儀鳳橋南祀梁沈約春秋二祭

本朝雍正二年後裔西銘修乾隆湖州府志

案西吳里語諸書俱謂德貺廟即吳文帝廟但勞志二廟並列而文帝廟成化中已久廢今有司致祭獨有沈祠然前所引三家之說又確有明證故明存之

安吉太守祠舊在府堂左明嘉靖十二年知府陳讚遷於愛山臺之上祀宋安吉知州趙良淳後廢

本朝乾隆三年學使鄧鍾岳改祀於馬程學門東南茶亭內同上

(乾隆湖州府志宋末殉節者安吉太守趙良淳自縊死浙西提刑徐道隆與子載孫赴水死也州判趙邦發與妻雍氏同縊死史傳載然乃舊志奉令云良淳與夫人雍氏同縊死長子載孫亦赴水死而張文昱云良淳之婦記俱云夫婦同死節義成雙傳訛踵繆是不可不辨也

韓公祠在南昌舖祀

本朝知縣韓禹甸

同上

劉公祠在便民倉內祀

本朝知縣劉璽

同上

岳武穆廟在定安門內南倉舖

本朝雍正八年士民於生生菴改建

同上

靈濟廟在縣治北報恩觀右祠山之神神姓張名渤後漢人初居

邑之白鶴山有治水功於廣德唐乾寧中邑人逕宣城之亂寓

居下山立草堂祀之宋知州事徐鐸始徙今所正統間通判楊

和重建歲久傾圯天啟間里人周思忠重建

康熙烏程縣志

晏公廟在定安門外祀水神平浪侯每歲遭艘行必禱於此

同

九賢祠在峴山

本朝知府吳綺建

乾隆湖州府志

吳偉業峴山九賢祠碑月令以孟春禱祀山川及古之卿士

有益於人者漢元始四年舉此禮蜀郡以文翁九江以名父
應詔書然則二千石之重凡有功德于民者可無祀哉湖州
地稱西吳當南渡六朝士大夫之過江者樂其山川吳興遂
爲大府王逸少歲之謝文靖安皆起家郡守柳文暢俾仕蕭
梁再爲吳興守唐大歷十一年以顏真卿爲刺史杜樊川牧
授湖州在會昌中宋孫孝老世熙寧四年十一月改湖州蘇
子瞻軾以元豐二年四月再移湖州王龜齡十朋乾道中任
湖州明陳鈞興幼學以萬歷三十二年守湖州已去復畱居
六載此九賢之載在興冊次第可考者也峴山之有祠始於
三賢顏氏陳氏王氏而他弗及峴山在襄陽羊叔子所遺愛
此名顯山避唐廟諱而改湖人之思太守者不啻叔子乃卽
其地置祠樹之碑以彷彿臺人意祠歲久微撓居人支釜甑
炊焉則以名賢之俎豆歷歷層迭庖湑者有之矣

本朝康熙中廣陵吳公諱維字圖次由工部郎守此郡見而歎曰
祀以揭虔可若是其宏耶亟命屬徒鳩工重作其事考湖守
之多賢闕而未備乃下教詢咨得王逸少而下賢守石六合
前區之藏主定爲九賢而書其官於是士庶歡忻戒期竭力
築墉樹宇改櫓易砥丹塗白盛有翼有嚴未浹旬而祠成妥
神之房合食之几固不瀉潔都人士曰我公刻暴去慝遠賄
前人而庇吾民今又搜揚廢墜克有此舉吾儕小人何可不
貽所報相與謀作室而會公像焉既兩祠儼美走望交集而
峴山於是乎益勝越明年三月偉業於太守宗親爲賸用兄
弟來繼舊好宴於茲山爲賦甘棠圖次再拜辭曰某不堪也
識得界之一言欲炫耀昔賢之令德以無忘景行某也實與
有罷綏予不揣固陋泚筆記之

梅村集

案九賢祠太師三賢祠也明正德十三年建祀顏蘇王三
公及范正四十一年六月奉文以原任浙西參政王世貞

改祠四賢祠今祠中水生亦不止于九然吳公既有刻碑
自當從其稱新府志三賢九賢二祠分見非是又案倪山
志有嘉名祠祀流寓諸賢如錢林吳美沈戎邱騰裴子野
張志和陸羽吳筠陸龜蒙姜夔何彥猷程大昌蔡洸方淑
劉光祖程公許高斯得牟子才游侶吳潛貢師泰吳玠後
增張羽徐貞其址即清翠軒是為風堂祀隱逸諸賢如披
長翁吳慶之沈度沈微沈道慶沈頌沈微賈收胡仔林靜
章得一沈貞夏養甫王升吳琬後增新宮蓋其址即逸老
堂是未知建自何年毀且何據此則嘉客祠久廢
而逸老堂即為風堂已列古蹟新府志重載亦非是

費文端公祠在道場山麓祀宋學士費若

本朝雍正中裔孫金吾建并置祭產

乾隆湖州府志

黃東發先生祠在戴山西麓祀宋儒慈谿黃震元初家孫玠載主

移居湖州

本朝雍正七年建祠每季撥銀四兩春秋致祭同上

沈將軍廟在昇山祀唐婺州刺史沈潛

名勝志

祝親家廟在崑山頂明尚書潛季馴建前為讀書臺供觀音大士

像後為文昌閣今供柳侍中俾及季馴神主

乾隆蘇州府志

案潘氏讀書臺卽柳惲讀書臺也柳臺已見古蹟潘宜附見新州志所引王鳳洲謝在杭徐子與詩皆題潘氏讀書臺者與祠祀無涉今改歸古蹟門

開聖廟在清源門龍溪口雍正三年奉文春秋二祀五月十三加祀一在毘山明潘季馴建

本朝乾隆元年重修

董份闕公廟碑毘山之有闕廟潘少保公所特勅也始少保公嘗以大中丞治河矣當是時河大決淮揚間而淮尤甚世錯愕莫知所爲而少保馳至淮親詣決所推究本始知淮故恃堰自漠陳登築高家堰而明興陳平江加築焉迄二百年淮無河患及堰廢而河決矣是堰之爲淮利害章章明甚也遂力主築堰人或多方沮格而少保銳意築之旣築堰又築旁堤二千餘丈堤且就矣而中有龍門未合龍門者兩堤瘳處堤將湊則水益東勢益衝故俗稱龍門者言如禹治龍門

之難也蓋是堤之將成而潰者再矣而少保銳欲成之未且
合衆力大舉迄成而風濤陡作堤忽大清衆皆失色而少保
志益堅督益銳乃芟蘆廬堤上居之排衆難拂羣言而不顧
履冰霜磨霧露甘辛苦而弗懈其捐軀報國捍患救民真若
王遵之誓填金堤者而當堤之既潰則慷慨震悼憂愁幽思
而神遂顯靈示之夢矣其詳載少保所撰淮揚廟記中而夢
之既寤則堤上人譁傳有神像漂至亟與而致宛然夢中所
見也少保志本堅而會有神符其銳益甚乃復大舉期以五
日報成而躬往督之屆期則水忽遽退風日霽和波流清淺
見者莫不駭異而羣僚稱慶焉夫體呼龍門一舉合矣夫一
淮揚也始則河決百里固天下非常之大變繼則堤成五日
尤天下非常之奇功少保所以感神貺而不已也蓋少保業
已奏請而立廟淮上矣又捐資而剏廟昆山焉蓋以淮上之

廟國之所以報功也而昆山之廟已之所以報德也惟其感而不已故其祀而益虔予每謂少保有社稷功而神實憑依之故予記昆山之廟而脩荅淮堰之功所以追其本也

昆山人集

羅素重修清源門關公廟碑記湖郡城六門而氣脈所聚不出數里間特鍾爲市廛蔚商賈雲屯譽髦之選游鱗序登賢書者歲不絕爲大聚落而又兼以溪山環翠水自天目來馮爲胥川瀕爲龍溪廻繞其右鳳凰棲賢諸峯幽攢而峭立則斷推郡西清源門外爲最而關壯終廟適當市之尾溪之半焉廟始自前朝萬歷間國初以來屢經興廢自歲辛亥余初至頗傾圯簿書匆遽未遑及也夫邑宰膺民社之寄事神不可無專祠况壯終忠義貫乾坤倒在祀典奕禩瞻仰其於茲壯湖山之氣者廟貌烏可不葺十餘年迄今政稍暇爰徇士民之請高其殿宇拓其後楹旁廡綴以垣牆工料凡若

千董事者里人沈一奇李陞陸徐韶九等始自辛酉奏
載告竣繼自今永鎮茲土而溪山增秀民物滋蕃皆此
庇於無疆而余與鄉之創始者與有榮幸也夫乾隆甲子嘉
平月

徐孺子廟在孺山宋紹興間江都唐法撰碑洪武二十年里人柳
盛卿重建

成化湖州府志

張羽徐孺子廟詩晴明出遊覽南北一登歷上有高士廟娑
涼倚空碧敗燼篆烟斷瓦燈照薜壁殘僧散已久客至空歎
息憶昔漢祚衰朝野方奔迫遂辭東湖墅艤棹此山側高名
懸日月千古留遺跡洪州有高亭吳楚千山隔側身西南望
悲風起悽惻

靜居集

吳綺拜徐孺子祠詩孺子何年隱荒祠此地畱野人忘姓氏
殘碣記春秋天淨孤鴻急山深落木稠却憐題榜悞無復舊

南州

林應立集

楊震澤祠在北門外姚家壩祀樂儒楊邦弼

本朝雍正中裔孫九咸建春秋二祀

乾隆湖州府志

樊將軍廟在礪山祀漢樊噲

崇正烏程縣志

文昌祠在弁山黑龍洞側

本朝雍正八年里人楊九咸建并置山田五十二畝延道士住持

乾隆湖州府志

黃龍洞神祠在弁山之陰歲以五月二十日致祭

同上

青龍洞神祠在弁山佑聖宮之左洞有神龍能興雨救田

本朝乾隆三年夏旱知府胡永謨知縣羅係禱雨有驗

東嶽廟在官澤村宋天禧三年建

本朝康熙十五年道士朱泰源修

同上

嘉應廟在南潯鎮宋咸淳六年勅建奉祀崔承寧

方先撥提共率鄉丁捍禦獲全每值歉歲山廩賑給人皆德之

二公卒後於市中廟祀

南漳志

龍王廟在東柵分水墩峙運河中廟上爲閣如浮屠

同上

楊公祠在南漳字三圩祀宋工部侍郎楊億

乾隆湖州府志

烏將軍廟在上智潭北烏鎮祀爲土神八月十二日致祭宋淳熙

十四年賜額明萬歷六年同知羅斗修

本朝康熙二十年重修

烏青文獻

莫淵烏將軍廟記若城東九十里曰烏墩鎮有祠曰烏將軍

廟按五季鄭蠡吳興鏡見錄載吳越錢鏐遣兵戍於烏程之

東九十里以立一障謂之烏戍將軍爲神主之捍患除災人

賴其庇國朝宣和庚子歲旱霜發人騎壓境若有所拒卽聲

而奔建炎改元金人游江游騎距鎮纔數里民皆震恐聚禱

於祠已而賊自是會自賊中來者第見雲蒸霧塞旌旗蔽

空疑有官兵故近祠前有池名曰上智潭劇旱不枯淫潦不
溢有龜數十山沒其中紹興壬午春金使朝貢道崇德聞而
異之督吏至取吏俄感疾命之者亦形夢而龜復歸或雨暘
愆期隨請而感淳熙庚子夏旱郡將遣吏致敬嘉霽卽界凡
人有疾阨祈之應捷枹鼓追今比屋富庶爲衣冠淵薮神之
庇厚矣若夫神之世系里居不可考故老所傳謂侯諱贊仕
於典午氏之東總戎南討至車溪而沒裨將吳起就墓於池
西北偏後起集餘兵經橋李下城邑五而還設豆觴謁於神
神憑卒而言曰子之有功悉吾所助吾當永佑茲土遂創祠
於池右吁神之血食此方歷年滋久人之奔走奉事不懈益
虔每歲八月十二日爲誕辰必輻輳祠下薦享之者益所以
彰神之靈而答神之貺也但廟無刻識里人懼湮沒無聞今
年秋狀其事白於鎮鎮請於州州請於朝可廟額且屬潭記

宋淳熙十四年丁未冬十二月二十八日

烏青志

俞太保祠在臨湖門外東濠村毘山濠西元至正間建祀宋太保
俞汝尙明陳幼學塑像有讚

湖錄

寺觀

宋時五山十刹半在浙西而吳興岩阜且以道場得名茲斯地之爲禪窟久矣至於黃冠祝嘏之所亦復崇飾神居先後間起二氏之教治道弗尚然而清英游集刊石畱題抗殿浮榮增輝名勝觀其建興之由匪惟勝緣實具道力彼有人焉未可遽廢也志寺觀第十九

鴻禧教寺在縣治北梁大同二年侍中蕭翼捨宅建舊名寶勝寺唐咸通十二年改爲崇福寺龍紀元年改保聖寺晉天福二年錢氏改爲廣慧崇益寺宋大中祥符二年改今額成化湖州府志本朝康熙二十五年僧一指重修

慈感講寺在定安門內橫塘之傍唐乾元間僧端法師建於迎禧門外宋嘉祐中知州事盛申甫俾僧焚露骨號利濟院大觀元年改爲慈感建炎三年郡人以院在城外慮屯寇盜徙置今所

明洪武十五年僧行之重建潮音普門二亭及清容軒永樂十

四年僧虛白重建法堂後又建毘盧寶閣五間

弘治湖州府志

祝語陽秋大觀中吳興縣有僧來者割蚌得珠將食中有珠現羅漢像僧相石上刻有左顧右盼等字僧俗創見奉為慈感寺中至清佛來之一處而僧輩少識有詩和篇甚衆

釋居簡慈感寺題記某年月日苦溪源者剖蚌得珠而側

視左袒應具僧像其僧形貌之微也臨流忽墜淵涸珠明

水蓄階趾嵌空嵌數尺爰欲墜示人以顛隕之急也銘曰精

洞太陰是孕厥靈靈應不虛現如是身涎液不需長捍鼎俎

雲沉方廣弗入衆數彼漁伊何箕裘在漁先獲援手夢仍合

符黃汗漫流睭睭印蛇汨汨自渾稜稜弗潛澄瀾渺漸碧甃

空洞半有伽黎萬日神竦

北明集

又慈感寺蚌珠吟者閣新成詩邵勒溪山勝槩陳壓麗譙七

蟾栖峭峙飢屏吐岵堦蘋藻翻波碎塵紅到岸消蚌珠方廣

土瘦影落清苔

同上

葉夢得慈感寺珠羅漢詩九淵幽怪舞垂涎遊戲那知我獨
尊應迹不辭從異類藏身何意志窮源歸來自說龍宮化久
住方知磬嶺存此話須逢老摩詰圓通無碍本元門石林集
曾紆慈感寺珠羅漢詩不知一殼幾由旬能納須彌不動尊
疑是典興清宮水直通方廣古靈源月沉濁水元明在蓮山
污泥實性存隱現去來初一致莫將虛幻點空門吳興藝文
陳棣題湖州慈感寺詩過溪纔百步橋轉入禪關高閣斜臨
水平林遠見山波光隨鳥渡秋色共雲閒深慳幽人趣遲留
忘却還

明詩綜

史鑑登慈感寺閣詩亭臺高閣倚斜暉廿載曾從此地歸往
事已隨春草換重來似夢覺人稀孤城近水青山映遠樹和
雲去鳥微欲繫歸舟不得靡蕪新綠釣魚磯

西村集

袁麥傲居慈感寺孤居城南寺軒館殊清幽連峯窗外列
澄湖檻外流翠魚戲藻岸衆鳥鳴桑洲野原野綠東作集
前疇閉戶寡人事立典日冥搜蕭散娛心意焉用懷古憂

之集

鐵佛禪寺在縣治北宋乾興中僧鑑真鑄觀音像號鐵觀音院熙
寧元年賜名壽聖觀音禪院紹興二十二年改廣福觀音院元
末燬于兵僅存鐵觀音像明洪武二年以院基地造泰定倉移
寺於今所改今額宣德八年僧曇壁又鑄大鐵佛三創慈雲閣
成化湖州府志

西吳里慈感觀音像面目莊嚴而身右向側立
盤背端履如逸養府宋時物鑑工之絕巧者也

峴山禪寺在城南晉太守殷康創號顯濟施水禪菴咸康八年車
騎將軍沈充增建殿宇宋崇寧四年賜名顯化元末燬明洪武
三年改今額永樂間僧顯公修

崇正烏程縣志

楊復重建峴山顯化禪寺記峴山有寺自廬阜遠弟子道源
始源至文照照至慧明明至慧解再傳至宋慧源師特奉朝
旨賜今額又凡幾傳及元其間盛衰難以悉舉入國初屢歷
兵燹輪奐之規蕩然永樂改元得顯公者自長興應山來結
茅修苦行郡士敬重相與發檀信真心施舍山積遂創正殿
三間次第作法堂三門長廊以及廚庫倉囷僧寮經藏仍塑
佛菩薩伽藍等神使瓦礫之地易爲寶坊荆榛之區化爲旃
檀公之功德有足以感動人天者矣正統歲在辛酉二月直

集

護聖萬壽禪寺縣南道場山唐中和間如訥禪師出行師命之曰
迂道卽止訥經此山結庵居之吳越王題其額爲正真禪院宋
又改爲妙覺寺元豐三年知州事陳侗奏請賜今額元末燬僧
正印重建

萬歷湖州府志

虞集記湖州道場山重建護聖萬壽禪寺成住山釋正印求
爲之記按山在郡城十里白雲峯唐中和中訥禪師居之
頗著靈異五季錢氏始建十聖殿以奉佛謂之正具寺護聖
萬壽之號則故宋所賜也國家天歷己巳六月旣望寺灾牧
守民庶與爲其道者以爲非得人不足以更新之乃相與迎
印公於何山以爲主而寺僧耆年之首希渭佐主僧治凡役
乃出財鳩工作法堂五間僧堂七間又作庫樓香積廚青山
堂梅檀林蒙堂選僧堂皆期年而成則又求施于達官大家
作大殿千佛閣方丈像設莊嚴供具完好壯麗有加于昔未
及三年而成實至順辛未某月也

道園學古錄

釋大新道場寺雲峯閣詩序東漢時身毒僧摩騰至館之鴻
臚寺後僧舍咸曰寺而以律制之寺率以律名至梁有禪唐
有教雖各以道訓其徒而寺猶律也貞元中大智禪師作

門清規而禪律於是始判規立東西序西以儀於衆東以庶務而帑藏出納係之然昔猶交職其事欲備歷之以閑其才故不以東西爲嫌今也反是志高潔者不適于俗狃于俗者近于汙而東序之職始病焉曰吾旣汙之則將甘受而不辭必漁厚賄飾典馬僕圉廐養伴巨室甚者有業產萬計予行四方所歷寺凡千百求異乎是者雪道場者宿習公嘗任寺之東職以廉儉聞能損己以紓公公以是裕於是闢方丈作鉅閣閣成而吳越之耆師碩德與湖海勝流咸爲歌詩頌以落之而徵序於予予觀人之勞而後食作而後居孰不求豐諧已使審乎公私之辨又益之以才幹夫豈難爲哉渭能拔其伍以不汙又聲已資以刊傳燈錄十卷施諸名山其所立不啻有大過人者矣

請室集

釋智圓宿道場山寺詩絕頂秋氣清危欄憑樹杪仰窺清漢

近下視翠峯小空池生夜月風枝鳴宿鳥吟坐不成寐疎鐘

起將曉

開居錄

鄧文原三月晦日游道場山宿清公房二首絕頂軒窗納晚
哺下方燈火聽鐘魚天連震澤涵元氣池湧浮圖切太虛涼
立松風觀石溜晚尋樵徑叩僧廬孤亭山麓荒苔積猶想幽
人夜讀書澗石縈流翠竹叢晴雲吹落水晶宮夜寒身宿羣
峯頂花盡春歸萬木中倘買山田營破屋時過僧寺隔孤篷
只應渺渺軒

山頂有
渺渺軒

前路杖屨長陪鶴髮翁

素履齋稿

崇報寺在城南金蓋山宋元嘉十四年張邵邱道祚共建於何山
號禪幽寺宋天聖中改宣化禪院乾道初開府趙伯圭請

安僖王功德院賜額移忠崇報禪院元末仍改為寺明崇正初

移於今所

乾隆潮州府志

上金教寺在縣南下菰城唐元和十四年建名淨衆院會昌中廢

天福三年重建名上金院

宏治潮州府志

法印教寺在章宅宋乾德間建名崇德院治平間改今額

康熙烏程縣志

白蓮禪寺在縣南菁山南塢宋咸淳中解氏建白蓮禪院元季改

爲寺明永樂元年立住持

成化潮州府志

草堂寺在菁山南塢明崇正辛巳僧可印重建

乾隆潮州府志

慧岩寺在菁山僧秋初建

同上

常照寺在菁山宋建炎中僧梵隆建號無住蘭若紹興壬戌高宗

召至內殿恩遇殊渥乾道三年賜常照院額嘉定三年又創昭

回閣藏宸翰

宏治潮州府志

古紀近寺地碑或斷什惟高宗所書天申金剛無量等樂并勅
書一碑完存旁一小碑上有詩云道人性恐不山深莫問人問

昔與今元坐蒲團了無事只聽古松吟其後云石少民相
公兄游作弟師品師張兄弟亦行書有云方外之士相與周旋
下二字未盡其下又一小字亦有支遁陶淵明之有慧遠謝康
皆謝安石之有許遜王逸之有支遁陶淵明之有慧遠謝康
衆之有慧遠又西見小碑在衡書右云得太上皇帝御書佛語
一牛今題叶山主八月初十日恭承得太上皇帝銀一百兩賜
叶山主守等回奏進奏呈十二月其
下又有致行似皆致謝回奏之詞

陸游湖州常照院記昔在高宗皇帝龍興河朔克濟大業祀
宋配天三十六年涵養生齒其數無量遺弓故劍羣臣皆當
追慕號泣思所以報在天之靈至于萬世無怠無斁而況山
林外臣以道藝供奉仗內嘗被異禮厚賜者乎鎮江府延慶
寺僧梵隆以異材瞻學自結上知不由先容得對內殿先是
隆師固已結廬於湖州菁山號無住精舍一時名士如葉左
丞夢得荀待制滕仲汪內翰漢陳參政與義皆為賦詩勒銘
傳於天下矣至是詔賜巷居于萬松嶺金地山師方力辭願
歸故巢既至悅其地且修上賜幡然願留久之示化上為

然不憚賜金歸葬故山及孝宗皇帝嗣位又命創常樂院於
無住故址以隆師弟子上首至叶嗣其事賜田以資其役又
命充丁亥丁未道場以祈兩殿之福高宗皇帝賜御書寂而
常照照而常寂八字以示名院本旨且賜天申金剛無量壽
閣扁榜及紫檀刻佛號如來閣榜悉御書也又賜所臨晉王
羲之帖二十二紙唐陸東之蘭亭詩一卷及米芾史略帖一
卷題團扇二柄又賜白金助建立於是院成有釋迦文殊普
賢十六阿羅漢殿左則觀音大士道場右則法輪藏室食息
有堂鐘經有樓薰浴炊爨儲積各有其所槌椎鼓鑼器亦備
足至於游息臨眺種蔬藝菓莫不極思致區處之妙而西巖
尤爲勝地叶師以老疾請罷院事屏居西巖今皇帝詔從之
且命改院爲禪院專以仰薦高宗神游世擇其徒有道行者
嗣住持事而本澄首被是選實嘉泰四年甲子四月也叶師

乃來告曰願有姓黃者黃緒與朝士歷事四朝三備史官名列策府諸儒之右則黃緒及其子孫雖道俗異迹而被遺則同今叶澄父子晨香夜禮黃緒足跡世外枯槁亦有以伸其圖報萬一之意某則不無愧焉而黃為日復一日節中待終而已視叶澄豈不有知黃緒之志而不敢辭上以紀三朝眷遇山林學道者之感德下以譏某媿云開禧三年二月

壬子謹記

渭南文集

章紹聖重興常照禪寺碑記菁山常照寺建于南宋蓋高宗南渡曾駐蹕茲山無住菴夜夢神人請書天中金剛無量壽閣八字覺而書之以賜梵隆禪師且問其義師言卽中唐保佑天命之意陛下九五未艾幸他日無忘帝曰果爾當大興佛寺止菴中四十餘日金兵至見蛛網布滿谷口遂去所謂無住菴者卽今寺後百步有西巖二字刻石者是也紹興四

年勅建昭回閣淳熙以後七賜宸翰梵隆禪師卽藏之閣中
嗣是變爲名利元燬於兵燹明萬歷間上首定水整頓頽廢
於荆棘中至國初住持以乘律身清苦冬夏一衲衣片帛
粒粟悉營佛事於是遠近感其誠財力併施重建昭回閣經
始於戊子落成於辛卯庚子建大殿已酉建前殿殿左爲茶
園爲梅圃爲竹塢殿右爲客寮爲齋堂爲藥師樓皆井井有
序無何而圯幸有住持一音矢願恢宏數十年百廢具舉凡
來游者莫不嘖嘖一音之能光大前緒於是諸紳士勒碑以
紀其事康熙丙戌記

閔珪游常照寺二首浮屠百尺玉嶙峋雲裏禪房遠俗塵趙
宋宸章畱石刻葛洪丹竈與山隣木魚夜響迴廊月馴鶴閒
眠細草茵隔竹爐烟改香火金芽初摘雨前春卓錫開山說
梵隆照回賓閣五雲中餘千束抱源流遠天目南來地勢雄

我已休官還論道誰能學佛解談空登臨不覺歸途晚回首

殘陽半塔紅

莊楚公集

吳景鄒常照寺詩秋氣清無極山行興自悠野花隨處發谷
鳥一聲幽塔影埋雲冷松聲帶雨流頻來樹下憩斜日到林

邱南郵集

清涼寺在常照寺西唐大梅禪師開山宋楚隆禪師再建元煥于

兵明萬歷間僧如權復剏

崇正烏程縣志

普明寺在菁山南麓宋治平中僧皎月建鐫有銅觀音元末寺燬
僅存銅像明萬歷壬寅僧煥然重建

乾隆湖州府志

本朝康熙乙亥住僧涵明重興

黃潛菁山普明寺記普明禪寺在烏程由郡城南渡大溪四

十五里爲菁山泉清木深峯巒峭拔最爲勝處宋紹興五年

閩僧觀公禪師來駐錫結菴曰普明後十年山神一夕

告以有趙姓人當出姓之舉日師出山見服儒衣冠者憩古
松下延之入坐日地之美者無以易此師叩之果趙姓乃孝
宗之兄崇憲靖王將營宅兆葬其父秀安信王師欣然撤其
牆屋以地畀之寺之右安信園廟其故址也師尋改卜而築
菴淳熙五年用憲靖奏爲降勅額日普明禪院師春秋八十
有六而終憲靖執弟子禮親爲文祭之因葬於院之西麓了
菴審公與師爲法門兄弟旣以次補其處益買山拓地建殿
堂門廡儲蓄益充寧宗嘉定四年賜號淨照禪師仍書了菴
二大字俾爲山林之榮觀焉了菴三傳爲栢庭由栢庭五傳
爲斷江成宗皇帝大護持之命且易其故爲院者日普明禪
寺蓋自觀公至斷江皆以甲乙相授受翰林學士趙文敏公
實憲靖四世孫始請於仁宗皇帝侑友雲親爲住持龍退席
玉林妙瓊以了菴四世嫡孫嗣主是山乃嘉甲乙之恆天歷

二年也於是寺之凋弊已久玉林扶衰舉墜發已棄復所質
田親歲豐肉量入爲出餘盡資土木之費修殿堂作佛像外
則繚以竹垣蔭以巨木又捐私錢以創藏殿造佛閣殫精畢
力十有七年于茲以寺之沿革廢興未之有述爰伐石來徵

文以記之

黃文獻公集

能仁寺在夾山濂放生池上報嚴彰孝院遺址舊在駱駝橋東明
萬歷中僧明常移建

康國烏程縣志

鹿山禪寺縣西南二十里因山中見白鹿故名

同上

福山寺在縣西南二十七里福山

咸化湖州府志

寶積寺在縣西南村山舊在金斗山梁大同七年建號妙喜寺唐

貞觀六年始移額於此寺宋治平二年改今額

同上

顏真卿村山妙喜寺碑略州西南村山之陽有妙喜寺考

武帝之所置也大同七年夏五月帝御壽光閣嘗新

置額帝以東方有妙喜佛國因以名之舊置在州西金斗山
唐太宗文皇帝升極之六年春移於此山寺前二十步跨澗
有黃浦橋南五十步又有黃浦亭並宋鮑照送盛侍郎及庾
中郎賦詩之所其水自杼山西南五里黃蘗山出故號黃浦
俗亦名黃蘗澗寺東偏有招隱院其前堂西廡謂之溫閣從
草堂東南屈曲有懸岩徑行百步至吳興太守何楷釣臺西
北五十步至避它城大歷七年具卿蒙刺是邦時浙西觀察
判官殿中侍御史袁君高遷部至州會于此山具卿遂立亭
于東南陸處士以癸丑歲十月癸卯朔二十一日癸亥建
因名之曰三癸亭西北於蒼桂之間創桂棚左右數百步有
芳林茂樹悉產丹青紫三桂而華葉異各桂有支徑與袁君
步焉因呼爲御史徑時杼山大德僧皎然工於文什相與言
曰昔廬山東林謝客有遺民之會襄陽南峴羊公流澗甫之

詞況乎茲山深邃羣士習集若無紀述何以示將來乃左顧以求蒙倖紀詞而感事

顏魯公文集

釋清晝村山禪居寄東谿吳處士詩青雲何潤澤下有賢人
隱路入菱湖深迹與黃鶴近野風吹白芷山月搖清軫詩祖
吳叔庠到君才不盡身當青山秀文體多郢聲澄澈湘水碧
沈寥楚天清時人格不同至今罕知名昔賢敦師友此道獨
君行旣得盧霍趣乃高雷遠情別時春風多掃盡雪山雪爲
君中夜起孤坐石上月悠然遣塵想邈矣達性說故人不
在茲幽桂惜未結

唐文粹

又妙喜寺高房期靈澈上人不至重招之一首晨起峯頂心
懷人望空碧掃雪開寺門灑水淨僧席言笑形外阻風儀想
中觀馳心驚葉動傾耳聞泉滴豈慮咆虎逢乍疑崩湍隔
明或不顧知爾瞻常格如今誰山下秋霖步浙瀝吾亦

得行禪荷輕策松聲暢幽情山意導遐迹舉目無世人題詩

足奇石貧山何所有持此邀來客

枰山集

又酬李司直縱諸公冬日遊妙喜寺題照昱二上人房寄潘
丞述詩達賢貴具隱常閑迹不滅遂與永公期遺身坐林樾
華軒何轉轉爲我到幽絕心境寒草花空門青山月泚生獨
不見清景晏盈缺林下常寂寥人間自離別何時解輕佩來
稅邱中轍

同上

又妙喜寺達公院賦得夜磬送呂評事詩一磬寒山至疑心
轉清越細和虛韻盡疎鐘泉發在夜吟更長停空韻難絕
幽僧悟深定歸客忘遠別寂歷無性中真聲何起滅

同上

徐凝將至妙喜寺詩清風胡媚越水波遠樹蒼蒼妙喜寺自
有車輪與馬蹄未曾到此波心地

全唐詩

周賀宿枰山畫公禪堂詩從作兩河客別離經半年却來峯

頂宿知廢井南禪積藳沉斜日孤燈照落泉何當聞事盡相

伴老溪邊

吳興縣志

王群登入妙喜寺皎然住持處詩不知寶積寺灰劫廢來深
碧殿殘非古青山空至今野花春開落細竹石橋陰爲問高

僧跡淒涼獨坐吟

王百穀集

華嚴寺在村山創自唐舊名嘉會宋紹興間尙書右僕射朱勝非
於母墓所置功德院賜額崇因薦福禪院嘉熙初僧慧莊誦華
嚴得悟改今名後廢明嘉靖中僧古心重建

崇正烏程縣志

金文寺在縣西南外庄村宋乾德五年吳越錢氏建名看經院元
末改今額後廢明末重建

乾隆湖州府志

海印寺在縣西南上基埠初名海印巷唐僧草菴開山明崇正十

年僧伴我改爲寺

同上

駱文盛海印寺詩薰風初過野人廬載酒仍尋大士居水邊

芳湖元倒影雲浮高閣自憑虛楸枰偶對松陰下茗椀

午憩餘自信閒情堪吏隱朋從應不笑迂疎

兩溪集

梵率教寺在縣西南三十九里明季平湖陸光祖重建

康熙烏程縣志

上明教寺在官澤村宋元嘉中青州刺史錢產捨宅建名上策禪

院周顯德中避諱改今額

嘉泰吳興志

超果禪寺在縣西二十六里麻谷村唐龍紀元年建號龍紀院元

初改今額

成化湖州府志

崇恩寺在肇村舊在縣西南四十里宋景定間宗室菊坡居士建

明正統十三年僧永春重修後圯舊歷丙戌閩僧真果募構正

烏程縣志

竹林講寺在縣西北宋澧王建元季燬僧古盤重建始於宣德戊

申成於辛亥

同上

仁王禪寺在縣西北鳳凰山唐文喜禪師創肅宗御書寺額

本朝順治中愚絕禪師改建大殿禪堂

乾隆朔州府志

朱彝尊由碧浪湖汎舟至仁王寺飯句公房詩我愛仁王寺
來經碧浪湖到門千樹合登閣一峯孤仙梵迷高下香雲忽
有無坐愁風雨至還與飯秋菰

曝書亭集

法華寺在縣西北弁山梁尼道蹟號總持得法於達摩居卅山晝
夜誦法華經二十年不下山後歸寂卽葬其處大同元年塔內
忽生青蓮花道俗異之州郡錄實表奏勅置法華寺道蹟每持
經時有白雀旋繞作聽法狀又稱白雀寺宋治平間改賜惠覺
元季燬明苗歷中僧如松重建仍名法華嘉興朱旭繪名山十
一景於殿壁凡五月而成

本朝康熙中僧戒清募金重修大殿

乾隆朔州府志

釋居簡法華寺建鐘樓藏殿疏法華名字源流於元學北邱
尼塔石莓苔冠冕於清苔阿練若別傳器重直指才

有婦人焉魯豈無君子者芳騰菑舊宏開百堵之官舌索芬
陀密贊萬年之慶卽今隣剎附義附庸待叩蒲牢欠稜層一
百尺欲棲海藏分突兀千萬間借楞蒲一擲之零洗廚髮一
毛之靳有餘補不足登門如變化之魚益寡以寡多賀厦待
歸來之燕

北磬集

屠隆重建法華寺碑有尼總持居吳興弁山幽棲蘭若幾二
十年虔誦法華滿十萬部滅收靈骨藏之寶龜舌長青蓮經
畱黃壤自梁至唐總持再來是爲抱玉一經未畢五色放光
顯化肅宗之朝勅賜大光之號吳興法華鬱爲名藍矣歷歲
久遠珠宮碧瓦散作瓦礫金地寶階鞠爲茂草斷碣殘碑漫
不可讀荒岡遺塔蔓草蒼蒼德音不遐靈氣不歇沙門如松
慨然以興復爲己志官陸太宰光祖潘司寇季馴輩咸
以名流鉅公淨業慈航與助成之松公戒德旣醇心靈絕

巧身歷百苦力勸萬緣凡所經營悉有妙法於是殿堂鼎建
僧寮一新拱秀發祥當其旺地含靈納氣緣以周垣光相璫
璨金碧兩廊蒼翠蔚然松杉十里俾總持之教久晦而重明
西來之傳幾絕而復續松公之勤亦至矣功亦偉矣壬寅偶
客吳興輓游茲寺松公以碑見屬不辭而爲之記 居緯真集
釋清晝法華寺詩路入松聲遠更奇水光山色共參差中峯
禪寂一僧在坐對梁朝老樹枝 村山集

又和楊明府早秋游法華寺詩釋事出縣閭初聞茲山靈寺
扉隱天色彫剝遙丁丁碧峯委合沓香蔓垂蔓蔓清景爲公
有放曠雲邊亭秋實石潭深夜嘉杉月清誦空性不昧助道
迹又經是以于物理紛然若未形移來字人要全與此道冥
同上

又宿法華寺簡靈澈上人詩至道無機但杳冥孤燈寒竹自

青燐不知何處小乘客一夜風來聞誦經

同上

又秋居法華寺下院望高頂贈如獻上人詩峯色秋天見松聲靜夜聞影孤長不出行道在寒雲

同上

釋居簡拜總持尼祖塔詩平生自愛黃金膝肯屈榛蕪草棘深弗似灌溪開上座尼壇再展不同心

北磬集

袁袞法華寄吳興諸友詩昔愛湖山野寺居今依潯水借精廬陰陰樹柏開虛館密密桑麻遮曲梁風土漸於鄉國近壺觴無奈故人疎年來更有文園病媿似虞卿強著書

袁永之集

唐守禮與白雀寺僧翠岩釣遊山中詩何年白雀飛來寺此

日黃龍得勝攀大士因緣興廢裡宰官功德畫圖間

寺為唐司馬所

創追隨野鹿西丹壑指點山靈護翠岩

寺僧求予文紀石

不向化城

貪佛口松風蘿月自怡閒

吳興藝文補

沈朝煥白雀寺訪秀公談詩地虛蓬藿遠相尋瀟灑支公入

講林松合亂山飛翠冷經殘野水咽寒深文人慧業空塵劫
佛子真如自道心閒向門徒共盤薄綠窗啼鳥對孤襟同上
王穉登白雀寺宋初賜書壁詩客居深谷少躋攀終日惟看
壁上山道者焚香瞻碧落村翁拂石拜潺湲空庭不掃畱雲
住寒殿常開放鳥還獨少病維摩詰像散花人不下禪關法華寺紀略

吳綺法華寺畫壁詩蒼松一徑遶松裏化人城古壁多雲氣
滄洲無世情紅螺浮水見白雀占枝輕共拂殘碑字襄陽亦
此行林蕙堂集

施閏章白雀寺詩輕舫聞疎鐘古寺倚松際青松夾道二三
里琳宮紺宇相虧蔽丹青四壁烟霧開陰崖忽裂天爲摧寒
空噴雪瀑崩屋蓬壺仙客雲車來人間幾見成滄海米蕨
碣生光彩白雀孤飛去不還梁朝老樹今猶在泉流九曲何

泠泠寺後危亭接，窅冥萬頃寒烟太湖白。
牛規山影洞庭青，我欲拂鐺煮明月。
聽演三乘療飢渴，至人大道不可說。
跼蹐還與老僧別。

愚山集

朱彝尊白雀寺詩竹徑何年寺松門百丈巖
野雲平石磴江日冷楓杉水落青蓮湧
花飛白雀銜五湖看我在望生計有蒲
帆

曝書亭集

李長年白雀寺春游詞四首寺門芳草如茵軟
花港綠波如酒濃不辭載酒攜茵去爲聽春濤
十里松樹杪珠官百尺臺春城千舸一時開
山前白雀無消息惟有紅粧歲歲來闌干
曲磴挂斜暉羅綺凌波步屏綰緩步不知山
徑杳冷雲多傍轡塵飛來往朱門古苔蒼蒼
蒼苔遊金谷亦荒原募錢衲子看興廢銅梁
珠樹又一春

房集

白雀寺在升山南麓晉應國師開山明宣德間僧法璘

重建後圯萬歷間僧知源重建

本朝康熙中僧慧齋募銀築筠堂甚幽曠

康熙烏程縣志

釋昇嵩資福寺松月軒詩築軒居隱謝塵埃問向松邊月下

開九夏陰陰張翠蓋三更寂寂照靈臺未疑李白騎鯨去猶

恐秦王避雨來欲訪宗師無覓處落花金粉浣蒼苔

鍾澤集

吳文企資福寺詩行到寺邊寺坐看山外山講堂分戶牖野

席對溪灣暗水香廚引高雲絕頂還僧茶與宦味空寂問潺

湲

蘇道集

施閏章資福寺用壁間韻共是疎簷裏香泉別衆山石樓寒

佛寺茶籠接溪灣片雨前峯過高松獨鶴還閒來坐明月橋

畔聽潺湲

愚山集

多寶寺在弁山宋空谷禪師道場明洪武中有多寶塔萬歷乙亥

僧慈峯重建

康熙烏程縣志

幻住禪寺在弁山中峯曾住錫於此久圯僧廣權重修年久圯上
本朝康熙五十三年僧性空重建大殿禪堂廚寮以次興修

趙孟頫游幻住菴詩雨後溪水溢黃流行地中輕舟何迅邁
沿波兼順風碧蘆幹始長桑葉已空瞬息抵山曲紛葩微
逕過青林夾道周流泉響幽叢多慙衆衲子前路相迎逢
居新結構斧斤未輟工雙閣出塵囂六窗自玲瓏久矣厭城
市飄如脫樊籠妙香清鼻觀新鷲鷲耳聲汲水插山花開牖
納風松經聲出廊廡寂然聞鼓鐘蔬食飲一飽亦與膏粱同
緬懷老尊宿燕坐此虛空塵緣苦未斷無由往相從一宿返
歸神迴望但青蔥

松雪齋集

黃玠游幻住菴贈月千江上人四首出郭動柔櫓春花始
競開諸庵照清流正見衰病顏形影自相笑浮沉人世間胡
能卽有定披瀝不得閒村雨農事殷溪晴客衣暖佳人同綵

舟沿洞繚芳甸吳蠻近三昧
暮春俱晚既雨天復佳鳴鳥聲故故前溪春已深勸我脫布袴
刺箭亂清漣艇子入浦淑維時桃始華野眺欣有覩沿洄度
桑隰逶迤見穀土山虛離出雲谷殿鳥鳴雨未轉良足勤力
薄奈何汝

弁山小隱吟錄

王穉登幻住寺詩小殿青松紅粉牆黃金像對晚山蒼門前
亦有三生石可約王孫歸故鄉

王百穀集

積善寺在弁山唐宋名利三罹火災明嘉靖初邑人姚鍾重建
本朝雍正十年僧我仁重建大殿經樓

乾隆湖州府志

國證教寺在弁山南麓唐大歷中僧慧證坐禪四十年元和中刺
史于頔上其事賜名聖壽宋治平中改今額明嘉靖中巡按龐
尙鵬復萬歷中僧如源海月建禪堂今分

同上

居降國證寺詩二首精藍閉古蹟冉冉派清漪野岸依蘭棹

斜陽在簪冠雨催花事老風送麥秋寒漸與人衰隔山行千萬盤藍輿行登道松樹已成圍萬壑聲喧戶千山翠撲衣洞春龍尙臥林晚鳥知歸便欲攜親友相依白板扉

吳興縣志

吳綺圓證寺詩幽境應難到乘閒偶共來亂香迷竹樹深翠出樓臺昔已疑聞袞泉聲欲泛杯白雲如有約日暮重徘徊

林德堂集

古資福寺在太史府宋元叟端禪師道場元初燬

本朝順治三年長如禪師重建知縣韓禹甸因寺舊名冠以古字題其額

康熙烏程縣志

興善教寺在縣東北義高村錢氏建號善慶院宋治平二年改今

額

嘉泰吳興志

寶林教寺在新浦村周廣順二年錢氏建號永寧院宋治平二年

改今額

崇寧烏程縣志

普安禪寺在縣東北小湖村

乾隆湖州府志

廣濟禪寺在縣東北太湖村

同上

布金寺在縣東北太湖上喬灣周廣順十年錢氏建宋治平二年

改今名

同上

接待寺在縣東迎春門外每歲郡守迎春率僚屬宴集

同上

報本禪寺在縣東毘山舊在城內飛英界明崇正中郡人潘賜升

捨宅建於今所

同上

廣福寺在縣東蜀山

同上

金佛寺在縣東戴山

同上

張羽秋日登戴山佛閣詩風物澄明宿露收登山欲盡更登

樓一行白雁投南下百道清溪向北流野嶂雲歸初歇雨湖

田稼熟始知秋出門寂寂無塵事望端能散客愁

蘇居業

利濟教寺在晟舍村宋建中靖國元年建元末燬明宣德六年

義山寺建正統六年僧殊勝建佛殿兩廊崇正烏程縣志

寂照教寺在驢村唐光啓中建號靜居院宋治平中改今額同上

法華教寺在縣東三十里沈降村咸化湖州府志

普濟教寺在縣東舊館村同上

福田教寺在縣東四十里謝村本謝璽運故宅唐大中間建大順

中改今額同上

慈雲禪寺在縣東四十里妻村吳越錢氏建宋治平中賜額慈雲

禪院久圯明萬曆中僧海廣智募建郡守吳文企題額乾隆湖州府志

府志

羅漢教寺在縣東四十五里上陵村唐光啟中僧道聰建景德三

年賜名護國羅漢院宏治湖州府志

慈恩教寺在縣東五十五里馬要村錢氏建號興國院元至正間

改今額明天順三年重建佛閣僧廡同上

民心教寺在東遷鎮唐初建名寶光禪院貞觀中改今額崇正烏程縣志

真慶禪寺在縣東長田村元大德間建萬歷湖州府志

圓明教寺在上林村同光中錢氏建名看經院宋治平中改今額

康熙烏程縣志

寶雲教寺在陳墩村周顯德中建號寶壽院宋治平二年改今額

同上

報國教寺在南潯鎮東柵宋端平中學士陳益建明萬歷戊子燬

戊午大學士

重建南潯志

董斯張過報國寺詩乘春幸多暇信步出溪南獨叩竹間寺

來為世外談苦吟猶是幻佞佛亦成貪一片前朝碣禪機為

爾叅章平稿

東藏寺在東柵馬家港明董份建南潯志

祇園教寺在西柵唐貞觀元年建宋紹興二十一年里人朱

重修明萬歷四十一年裔孫

重修 同上

普靜寺在烏鎮廣濟橋東創於梁天監年間始名永福唐長慶間宰相李紳題碑云樓殿對峙者三十餘僧存萬指咸通中改爲光福吳越更名普靜宋大中祥符七年勅賜普靜寺額內有西方殿觀音閣千僧堂金聚耶玉香徑梅檀林經樓鐘樓藏院梅檀木寶塔高宗金書法華經七卷佛牙舍利又有三朝應奉李詩名筆寫觀壁二十間在西方殿內乾道間兩浙都總管張掄每歲在本寺精修御書蓮社二大字以罷吳之元末兵火廢明洪武十三年稍葺之永樂二十二年僧延壽道堅相繼繕修成化八年里人王輔王徽寺僧宗曜募創大殿於故址高十三丈又建觀音殿高九丈前建天王殿三間仍作山門規模改觀遂爲巨刹萬歷十三年同知羅斗菴鎮命僧圓珙募修更建水月軒二十三年復新堂宇

烏青文獻

本朝康熙二十四年里人唐彦暉僧祖印捐募重修

張掄高宗皇帝御書蓮社記臣嘗讀天竺書知世間有所謂
極樂國者國有佛號阿彌陀梵語也此翻爲無量以其壽命
無量光明無量故又曰無量壽又曰無量光如享國履位捐
去帝居巍然獨覺悟心證聖以大願力普度一切其國悉以
上妙衆寶莊嚴曲盡華好地皆黃金無山川邱谷之險氣序
常春無陰陽寒暑之變無飢寒老病生死之苦無五趣雜居
之漏用是種種神攝方便現有希有事善導衆生欣樂起信於
日用中能發一念念彼佛號卽此一念清淨純熟圓滿具足
融會具如同一法性幻身盡時此性不滅一刹那頃佛土現
全如特左葬以取寓物臣敬聞其說刻厲精進無有間斷惟
佛是念亦既有年閨門長少靡不從佛乃聞敝廬東偏鑿
池種蓮依慈蓮結社之遺意日率妻子課佛萬過而又歲以

春秋之季月消夏日卽爲成普靜之精舍與信道者共之於
是見聞隨喜雲集川至倡佛之聲如潮汐之騰江也夫慧遠
創爲茲社距今越數百禩其間緇素景慕遺風祖述其高致
者代不乏人率湮沒無聞卒與草木同腐臣獨何幸今蒙太
上光孝壽聖皇帝親灑宸毫書蓮社二大字爲賜雲章奎畫
自天而下光氣昭偉煥爛萬目歡喜踴躍得未曾有臣旣拜
手登受竊惟陛下臨御三紀兼愛南北仁及草木德及昆蟲
則似佛之普度一切昭昭大明如日之中無所不照則似佛
之光明無量功成治定付託聖子夷觀大寶褰裳去之則又
似佛之超然獨覺悟心證聖也至若春臺壽域亘八紘而無
垠鼓舞之神民由之而不知益與極樂國土曾無間然以是
管窺聖心佛心惟一其二豈阿彌陀佛他心道眼洞觀無礙
知炎祚之中否燭靈之矣寧故現帝王身以應世乎不然

何與佛合契乃如此也是則佛壽無量聖壽亦無有量居然
可知臣曩得寵錫又自非常不獨傳示雲林以侈千一之遇
使天下後世凡獲瞻仰普得念佛三昧究竟成就無上菩提
共爲饒益詎可量已謹刊諸金石用對揚丕顯之休命乾道
二年月日均州防禦使充兩浙西路副都總管秀州駐劄臣
張檢識記

烏青文獻

釋宏道重建普靜寺觀音殿記烏鎮距吳興城九十里普靜
寺在焉爲梁少傅沈休文故第天監中更爲梵刹寺有白衣
大士像楊道者刻木爲之初得異木剖剝匪良遂剝兩目誓
其必成神工獻巧卒獲如願相好具嚴他無與比構傑閣以
奉祠之實宋政和間也元末兵興堂殿俱燼比邱行敏躬募
檀施作新堂宇經始洪武壬戌歷五寒暑乃底於成莊嚴像
設煥然如生致敬歸誠倍加於昔

烏青志

高翥烏鎮普靜寺詩寂寞梁朝寺深廊十數間碑存知殿古
香冷覺僧殘斷岸舟橫浦平坡樹補山休文如好在依舊帶

圍寬

荊川集

凌震遊普靜寺詩入寺相將落日曛有懷先訪隱侯墳古池
長浸千秋月折變僧潔曲水紋門鎖松杉風不起園荒蕪草
路難分額題普靜何年始遺跡端平舊敷文

疎溪集

廣福寺在淳熙橋西宋治平中建淳熙年間重建舊名壽聖隆興
元年賜額廣福寺開山者晞哲繼之者允哲皆高僧也元末兵
廢洪武間重興正德間僧宗茂重建佛殿經閣萬曆二十四年
僧真誠募修重建金剛殿山門

烏青文獻

陳與義廣福院晚眺詩澤國候易變孟冬乃微和解襟凭小
閣日暮歸雲多蒼蒼散草木莽莽雜山河荒野蟲亂鳴長空
鳥時過萬象各無待唯人顧紛羅備物以養已更用干與戈

天風吹我來衣袂生微波幽懷渺無寄蕭瑟起悲歌

簡齋詩集

釋昭緝廣福寺偶題詩涓涓碧水細通池小雨燕纖未作泥

深炷爐烟濃著火何須騎馬聽朝雞

咸古集

隆覺寺在丁埠去壽山數里有宋韓忠武程忠文牟忠清三公墓里人合祀於寺堂曰三忠歲久寺廢復移三公木主於隣近廣濟庵雍正間僧緣修募建郡紳程蔭善捐倡移基下二十餘步北利濟寺在利濟寺橋南宋時爲董昌桃花寨南渡張循王俊置莊於此乃移築阜林後復故改莊爲香火院始名華嚴精舍宋末改爲利濟院尋廢元至大元年蘭谷春禪師復建元末兵火又廢明天順二年僧戒實修之正德十三年道堅建禪堂嘉靖三十三年燬萬歷六年僧照心募建殿宇又鑄鐵佛天啓甲子復火僧清如募建仍鑄鐵佛崇王甲戌又火僧慧空斷指誓建至康熙戊午僧性聰復建大悲殿

烏南文獻

護生院在慈感寺東南舊名天醫院明名醫盧明銓募建供素藥

王康熙烏程縣志

寶生院在碧浪湖西明知府陳幼學建崇正烏程縣志

普覺院在蘇灣明萬歷甲寅里紳陳思尹創掘地得舊碑有普覺

二字遂以名院同上

萬魁塔院在車蓋山陽明萬歷丙子王僉憲豫建取浮玉山文筆

峯因名同上

雪航塔院在道場寺西百步卽朝陽菴明崇正中建

佛燈院在金蓋山下金峯塢宋佛燈禪師舊址

本朝順治己丑僧道讓重建宏覺國師題額康熙烏程縣志

王村院在縣西南十五里同上

董嗣成初夏過王村院詩爲覓琳宮跨石梁到門苔色自蒼
蒼烏蹄灌木千章合風落殘花一徑香路入空山塵自隔人

來初地日偏長不愁豺虎堪投迹靜院梅檀禮法王

吳興藝文補

極樂院在庚村

旌忠崇先院在楊樹塢唐貞觀中覺開禪師建宋隆興元年檢校少保張子蓋請建功德院并賜額久圯明隆慶己巳僧明常居之建石塔藏舍利六顆

崇正烏程縣志

西津院在西門外舊渚灘舊有茶亭明萬歷戊子尚書陸光祖建

觀音閣置渡船

同上

石巖院在縣西方塢

成化湖州府志

崇報勝因院在後董村宋紹興初丞相沈該請置功德院因賜額

崇正烏程縣志

承慶薦福院在縣西北十二里宋建炎三年宰相徐處仁子度於

父墳請置功德院因賜額

同上

顯親隆報院在弁山宋政和間中書侍郎林摠請置賜額

同上

積善教忠院在弁山晉水卿朱建炎三年資政殿學士葉夢得請

置功德院賜額

同上

福慶院在弁麓玲瓏山石屋祖師道場自齊梁間通興進廢明萬

曆癸丑僧海潔重修

同上

昭感院在大錢鎮吳越文穆王建名瑞現宋大中祥符元年改今

額

同上

慈壽院在臨湖門僧朗禪建

乾隆湖州府志

青蓮院在許稍橋僧海旭建

同上

寶華院在織里僧元初衍宋乾道重建

同上

清居院在縣東北織里

宏治湖州府志

南仁院棲雲院在縣東南洪城村

同上

長生講院在南潯南柵朱建炎中建

南潯志

宇文公諒長生講院碑跋長生講院肇于勝國建炎間殿宇

宏做金碧煒煌鼓鐘振揚爲一方之勝尋值兵燹靡有孑遺
住持靜覺禪師戒律專確有聞於時嘗悼象教之陵遲懼細
流之失所爰募善緣不復舊觀以其名勒石道側噫見于羽
者想舜德觀河洛者思禹功微師之精勤不足以動人之樂
施又足以成師之巨費者哉斯亦尙可也已師歿後數稔其
徒普仁謂予與師有支許之好因乞一言以傳永久余故爲
識其後使後之嗣師者慎毋替師之志云

吳興蔡文補

期堂菴在縣治南宋天聖間建明萬歷丁未重修

康熙烏程縣志

雨華菴在縣治南初自齊梁間明萬歷戊寅僧德鏡重修

同上

張謙重修雨花菴記略按菴宋元祐初奉額起建端平間改
造歲月浸久幾將壓焉首事惠職痛無以奉香火因請於邑
侯射陂朱公葵谷姚公募衆鳩工始自嘉靖丙午冬十二
至丁未春三月訖工予適以公務過此因爲之記

朱長春重修兩華菴記菴舊兩殿堂三間無方丈禪室卑湫不似佛宮負市面郭前有間田爲故宋賈狀元秀野莊地最幽靜然道經窮巷城市博戲游手之徒或喧囂毀壞自勝國至元復修至今垂廢矣予以乙亥來讀書僧房一老僧獨坐兀坐微前數目異之至壬午又來則殿重新矣癸未秋授舒令遇過之老僧謂予十年瘖口祇足乃得成予嘉老僧之苦行遂爲記其事僧曰德鏡號無塵云

潮音菴在渡東埔

度生菴在慈感寺東南

廣長菴在學士山

威山菴在丁灣

集福菴在庚村

崇正志

歸雲菴在道場山南麓唐詩人闍士和隱此僧清晝懷之有空見

歸雲兩三片之句遂以名菴同上

謝肇淵募修歸雲菴疏嘗聞二宗顯化而頓悟爲難六度焚修而布施居一蓋慈悲喜捨本自出乎恒心而功德因緣亦稍通于世法雖云福田利益吾輩不言至如陳迹廢興路人知感歸雲菴者道場之別麓遊覽之勝區孫太初卜其旁而築室意遂鹿門之耕鄭繼之題其堂曰掛瓢意取箕山之隱避世終期出世逃名亦附逃禪但從孫山人衰謝以來日就頽圯慨自鄭吏部作興而後久屬荒蕪馴鴿繞空廊轉使猿驚鶴怨慈雲歸薄暮祇聞牧唱樵歌不穀署據清茗身爲小草勞形案牘深慙說法宰官弔古烟霞頗憶棲真隱士即使隨帷暫駐敢云比謝傳東山若令泉石增輝亦足表吳興南鎮禪窗牖間雖羅翠岫而衙齋內僅有白雲蓋對官糧乍可養支公之鶴銚銖月俸何以布給孤之園茲因本寺比丘首

告十方善信或睹高士荒阡而掛劍興感或憫罷癯朽像而
捨髮發心松栢摧爲薪浪說中郎有女菩提本無相須從上
智種根毋深排二氏而立町畦應不住六塵而生布施信香
燈潔淨亦可資公暇之遊卽山水清奇未必非斯人之益毋
曰事不切於簿書終同故紙言不關於象魏竟屬蕪辭云爾
小草齋集

孫一元宿歸雲菴詩沙清竹碧鷗山飛野老候予開石扉暮
雲捲雨日初落木遶滿山風乍稀酒杯入夜意自好篝燈向
人寒相依窮幽覽勝乃吾事坐愛名山忘獨歸

太白山人漫稿

又獨坐山中寺境閒真意存五燈然石壁松葉暗柴門夜久
無羣動詩成偶自言上方鐘意早山月落前軒

同上

鄭善夫宿歸雲菴詩澤國變元氣名山雷晚芳雲藏伏虎寺
花近挂瓢堂鶻鵲飛騰遠漁樵言笑長沉冥達者事散地卽

慈航 山谷集

顧應祥歸雲菴次孫太白韻詩千峯萬峯嵐氣飛松陰曲徑
開禪扉虛堂小坐羣動息空山無人俗事稀清泉出渠忽自
響野鳥狎客如相依眼前幽意收不盡斜日看雲徐步歸

崇
室集

馮夢正春曉歸雲菴簡題細草迷巖路平田帶寺門春風遊
客少宿鳥見人喧山翠當虛坐花紅落小軒清幽愜所好况

對道林言

快雪堂集

文彭宿歸雲菴詩荷舍得清遊雲歸濕未收入門愁詰曲穿
徑覺深幽春半花爭發山空水自流平生飛動意到此倒淹

留

文博士集

董份宴別王侍御歸雲菴對雨詩冠蓋飛朝日軒窗忽盡陰
祇緣雲出岫遂見雨成霖綠野隨車潤清流入澗深

澤意長慰黍苗心

泌園集

吳綺歸雲庵夜泛同施愚山高阮懷詩山晚離城遠寒新怯
暮游亂峯爭落日一徑入深秋清興因官懶詩名借客畱何
時能解綬終夕對滄洲

林蕙堂集

施閏章次韻盡口看山徧招提戀夕遊蒼巖陰帶雨碧樹老
禁秋池憶仙人的亭因處士畱回舟仍載酒吟向白蘋洲

集

流芳菴在道場山南

乾隆湖州府志

二峯菴在道場山半

同上

吳綺過二峯庵詩春半看花取次忙晚來燒笋飯簪荷清貧
太守閒經過又費山僧幾日糧

林蕙堂集

雲壘菴在金蓋山南麓舊淨衆院基明萬歷中僧大閑重建李太
后御製佛相因建御佛閣并晚翠堂快曝軒美芹齋

崇正烏程縣志

集福菴在城南後朱村

同上

海慧菴在縣南四十里

成化湖州府志

明妙菴在縣南四十五里

同上

泗州菴在縣南茅山

萬竹菴在菁山明萬厯己未僧鐵峯建

久北乾隆癸亥
再安重建

證通菴在菁山南塢順治庚子僧海量建

同上

古松菴在菁山南塢

本朝王琳法嗣濟芝建

翠微菴在菁山東呂客塢

乾隆湖州府志

巢菴在城西南福山楊樹塢

同上

經堂菴在剡山梵塢

同上

天湖菴在城西南霞幕山

同上

瞿堂菴在上基埠順治十二年僧德備建

康熙烏程縣志

維摩菴在西門外

吳磐維摩菴道田拾字碑銘略文繁籍舛斷紙殘牘飄流散
蔓汙泥委落任風塵之吹颺同敗種之隕若幾幾乎入王行
之廁洞寂寂乎與黔婁之溝壑有僧復元筮于易遇需曰需
于泥災其下不貞再筮得坤之六四曰括囊不可盛也得噬
嗑曰亨利用獄其田之兆乎有欵胡金等姓置長生田四畝
許西關外地或田二畝入分榮田一分二釐五毫左字并田
一畝二分七釐東至行路西至蕭營二姓田南至行路北
至施姓田餉復元而承司厥事系以銘銘曰零畫斷ノ其糾聚乎
同供蓮藏寶無量乎或為火化葬祝融乎以壽其臣庶乎時

旃蒙協洽之皐月現存

今乾隆十年里人歸鳴謙孫友撰張
朝綱共三十人捐貲延僧懷裕字叔

屏舍菴在西門外古為城內地官屏在此故名同上

清源菴在西門外舊歷間僧一心建掘地得古宏福寺斷碑石章

馱石觀音

同上

弁林菴在清源門外唐時創順治戊戌僧智顯康熙甲申僧道魯

重修

乾隆湖州府志

梅熟菴在棲賢山梅家村春時梅花最盛

同上

仙人頂菴在棲賢村宋紹興初建舊名利濟院

同上

白衣菴在凡常湖桃花塢

同上

淨妙菴在棲賢山大塢

同上

延慶菴在縣西三十里

宏治湖州府志

致德菴在縣西四十里

同上

廣惠菴在縣西柵門

同上

一花菴在肇村

同上

竹林菴在十七都

同上

施水菴在弁山唐光啟中雲翁禪師創精嚴院中峯祖師置茶供

山百餘畝山頂鑿池取水飲疫癘卽愈改今名明宣德間僧惠
廣建前殿邑侯馬思理題曰天香寶刹後廢康熙七年僧修水
復興同上

王禪登施水菴古桂詩十閨老桂前朝木何年畱在空山曲
撲酒先聞香五里易米常收花十斛山僧縛帚掃蒼苔花下

柴門日日開不言龍樹稱菩薩豈知金粟是如來王百穀集

夏休菴在弁山頭陀塢蔡善繼建相傳爲葉石林遺址崇正烏程縣志

福慶菴方等菴大悲菴俱在弁山太史澗相近又有雲半間精舍

乾隆湖州府志

寶慶菴在城北十里奚家田

本朝郡人姚祚重建同上

松隱菴在縣北石塢成化湖州府志

法雲菴般若菴在縣北大苞村同上

澄照菴在喬溪

同上

崇壽菴在縣北大錢鎮

同上

名義菴在戴山

同上

圓通菴在縣東北張降村

同上

餘慶菴永壽菴在縣東北四十里

同上

廣福菴寂照菴圓光菴白龍菴妙明菴在縣東後林村

同上

報德菴在縣東西林村

同上

德慶菴在縣東三十里大湖村

宏治湖州府志

廣慈菴在縣東三十二里大湖村

同上

廣化菴在縣東三十五里

同上

寶藏菴在縣東三十六里

同上

龍菴在縣東四十五里菱村

同上

清泰菴在縣東四十五里

同上

興福菴在縣東祐村

同上

寶山菴在縣東織里

同上

曲水菴在里山東南

康熙烏程縣志

報恩菴在掃山

同上

法華菴在西莊村

同上

時思菴在瓜溪

同上

淨業菴在防陸村

同上

覺輝菴縣東二十五里

崇正烏程縣志

佛心菴在殿舍村萬歷末菴僧智誠購徑山本藏經貯之

同上

烏巾菴在烏山卽烏巾氏所居後人建菴曰烏金

本朝知府陳一夔書額正之

同上

登同菴在烏山

同上

長壽菴在縣東李塔村

咸化湖州府志

永懷菴瑞慶菴在縣東前盧邨同上

無礙菴在縣東七十里同上

圓照菴在縣東七十三里同上

圓覺菴在縣東七十五里同上

潮音菴在縣東北前莊村同上

清涼菴同一菴在縣東後清村同上

真如菴慈恩菴在縣東馬要村同上

大圓通菴在縣東虞興村

圓明菴在縣東南八十五里同上

明義菴在南潯南柵乾隆湖州府志

善寂菴普濟菴勝義菴普雲菴薦福菴安谷菴種福菴永福菴寂

照菴圓通菴妙境菴法華菴俱在南潯鎮同上

淨土菴在南潯南宮兜

本朝順治丁巳僧吼石創康熙五十四年僧鏡如修同上

極樂菴在南潯東柵同上

浦陽志卷前有分水墩乃江浙分壤處

文昌宮在府治東南宋景定辛酉建元至正十三年道士馬道常

重建明正統五年通判楊和創桂香殿乾隆初州府志

佑聖宮在弁山陽宋紹興初道士沈無碍結菴于此恍惚見真武

像命工圖為刻像奉祀既而菴前石洞一龜一蛇相隨而出自

是建祠字元王伯顏需化籍為烏程尹遂買山建殿立祠後居

北濠元末燬於兵明洪武四年邑人宋古恩重建殿廡宣德二

年道士葉致中建三清殿今每歲三月三日進香甚盛崇正馬程縣志

白玉蟾弁山佑聖宮詩雲屏烟障玉玲瓏中有幽人處玉宮

曉檻猿啼松頭雨夜窗鶴唳竹梳風天垂十二欄杆角月滿

三千世界中此景此時誰得似黃庭誦罷理絲桐白玉蟾集

黃玠佑聖宮白玉牆壁上畱題仙人白玉蟾題詩畱素壁筆

勢來翻龍腹腹不可測將飛蛟龍影或是風雨跡

弁山小隱吟錄

趙孟頫弁山佑聖宮次孟君復韻意行騎馬到林間騎霧都

沈遠近山瓊樹著花春日早翠禽雙語意相關一杯到手先

成醉萬事無心觸處閒猶欠抱琴來托宿靜中規寫水潺湲

松雪齋集

王穉登游弁山佑聖觀詩卞山青未極丹洞碧雲邊屢徑縈

新草春泉落遠田客行經石坐樵擔倚松眠今日清人眼峯

峯致爽然

王百穀集

龍門靜室在佑聖宮之側邑人程蔭善汪亮采共建延邱真人龍

門派羽士住持內有斗姥閣藏弄經典

祥應宮在弁山黃龍洞側吳越丙子遣將軍吳承祿道士鄒守中

投金簡于洞因置宮宋乾道二年重修後燬明正統二年知縣

宋彬道士李璿重建

崇仁縣志

趙孟頫送聞梅淵住弁山祥應宮詩石磴懸崖人迹稀
地闊絕塵機井邊丹竈千年冷窗外山雲盡日飛
老虎穿來廊下走黃龍常向洞中歸先生有道開門坐
松響瑤笙月滿衣

松雪齋集

廣惠宮在南柵俗稱張王廟祠山大帝香火宋治平中建元鎮人

錢清甫重修天啟七年再建

南漳志

報恩光孝觀在府治西北梁大同二年建本名習善唐開元二十

六年改爲龍清後居女道士宋熙寧中廢元豐元年知州事鞠

真卿命道士居之崇寧三年改崇寧萬歲觀政和中改天寧萬

壽觀紹興七年改報恩廣孝觀後改今名明隆慶元年重修

揚州府志

本朝雍正四年羽士梅介履重修并裝聖帝像像相傳明初收集

寶鈔化塑稱曰紙聖諺云洲城三古跡銅鐘紙聖觀音

靖應觀在府治西北宋刑部郎趙孟正建號真一道院至正辛巳

改今名 同上

寂照道院在下菰城南

本朝乾隆元年道士曹朗雲重葺 同上

普照觀在荷山南齊永明二年潯刺史捨宅為觀名靈壽宮宋治

平二年改今名有葛仙翁祠葛立方撰碑記 西吳里語

青華觀在南柵 南得志

純陽觀在縣北毗山 崇正烏利果志

延生道院在神林村元至大二年里人陸孟平創殿有北斗臺明

嘉靖戊子副使施儒重建天啟三年大學士沈淮復改建 同上

奉真道院在烏鎮昔寧橋南宋鎮人張孟榮祠其遠祖東平王

元末燬明洪武二十四年併于天清宮永樂元年道士沈公

重建嘉靖三十五年燬三十六年道士張天碧于殿後建三元

閣中存廢址

本朝康熙二十四年建斗姥閣 乾隆湖州府志

佑聖道院在梯雲橋南相傳唐裴晉公建 四年斷碑在院中 明

宏治間重修

本朝順治戊子同知朱國藩里人夏胤紳張超捐倡殿既成而山

門窄狹與人王允憲捨地改造殿後舊有三元閣康熙二十二

年改建斗姥殿 清文獻

多寶塔在道場山頂

續州司馬謝安發丑先公登第天子賜居第一為權臣所執改居第二大父幾不平道場山老僧言此非人事迫移在州之縣方丈華山也低千餘州故未有懸天下者僧乃募緣即山背建寺居之如卓一筆既成詔州人曰後三十年出狀元矣其後大觀間安宅或和與

香山石塔在山頂僧照寺後 乾隆湖州府志

藏山石塔在山頂下即今佛寺同上

許聖塔在烏鎮廣福寺明太祖吳元年燬萬歷四年給諫李樂重

修同上

白蓮塔在上智潭南宋崇寧間建高十六丈塔院內有張循王具

容吳元年燬嘉靖癸未橫州判王濟重修萬歷乙未僧寂然復

修崇正癸未總憲唐世濟重修未竟又圯康熙己未里人張貞

等重新歷三載塔復舊觀烏青文獻

蘇汝補登白蓮塔詩湖塔懸秋漢珠林暢午風危簷齊碧嶽

虛閣俯龍宮東海慈航近西山懸日通白毫飛萬里應解六

塵空自如堂集

補遺

永豐道院在青知門外雍正十三年古以廢在三月潘子立墓等公叩延羽士陳安神字敬遠生於嘉慶十餘種樹石永久前學子應給送匾額

傳燈菴在湖濱大錢鎮具區地聯三郡舟楫往來如織每昏黃風

濟舟人不辨收港常患覆舟歛人巴子贍捐貲建菴買田延僧
樹標菴側每夜燃燈爲行舟指南郡紳釋蔭善贊成
太平庵在北門外市陌路

